

Kalaallit Nunaanni eqqartuussisunik ilinniartitsineq pillugu nalunaarut

Inatsit naapertorlugu § 12, imm. 2, 2. imm., aamma § 16, imm. 3, 2. imm. Kalaallit Nunaanni eqqartuussisarnermik inatsimmi, tak. inatsisitigut nalunaarut nr. 1581 13. deember 2016-imeersoq, aaliangersarneqarpoq:

Kapitali 1

Siunertaa aaqqissugaaneralu

§ 1. Eqqartuussisutut ilinniartitaanerup siunertaraa peqataasoq piginnaangorsarneqassasoq ilinniarnep naammassinerani nammineerluni eqqartuussisutut suliassat suliartilissagai, Kalaallit Nunaanni eqqartuussisoqarnermi inatsit malillugu eqqartuussiviit suliassaasat sularissallugit.

Imm. 2. Peqataasoq ilinniarnep naammassireernerata kingorna pingaarnertut tulliuttuni pisinnaangor-simassavai:

- 1) Innuttaasut ilitsersuutissalugit, sumi inatsisinut tunngasunik siunnersorneqarsinnaanersut.
- 2) Suliani illuatungeriit siunnersorsinnaassallugit qanoq ilillutik soqutigisatik illersorsinnaagaat taassuma ataani periarfissaqartut eqqartuussisunut annerusunut ingerlatitseqqissinnaasut aamma akeqanngit-sumik suliassangortitsisinnaasoq.
- 3) Eqqartuussisutigoortumik suliassat atorsinnaallugit ilinniartitaanermi ilinniartitsissutigineqar-simasut, tak. § 4, imm. 1, malittassatut aalajangersakkat tullerissaarneri ataqqillugit.
- 4) Eqqartuussinerup ingerlanneqarneranut tunngassuteqartut malitassat inatsisit atortinneqarfianut tunngasut, soorlu suliap piviusup ataaniittut.
- 5) Arlaannaannulluunniit attumaasuteqarani ataatsimiinnermi siulersuissalluni sunniuteqartumik aamma piginnaaneqarfigissallugu aammalu isumaqatigiissitsiniaanermut.
- 6) Sularissallugu aamma uppersaasat nali-lersornerat suliassami aalajangersimasumi.
- 7) Illuatungeriit isumaat nalilersussallugit kiisalu tunngavilersuinerit inerneralu paasissutissiaralugu nali-lersuinerup inerneranik.
- 8) Eqqartuussiviit suliaat paasisal-lugit aamma inuiaqatigiinni suliassaasat, kiisalu nammineerluni akisus-saaffimmik tigusissalluni suliassat naammassinnaanut, eqqartuu-siviit suliassaasa iluini.

§ 2. Kalaallit Nunaanni Eqqartuussiviit eqqartuussi-sunik ilinniartitsineq ingerlataraat, tak. eqqartuussisar-nermik inatsimmi § 12, imm. 2, 2. imm. tassunga ilagitillugu eqqartuussisutut ilinniartitaanerup sumi naammassineqarnissaa.

Imm. 2. Kalaallit Nunaanni Eqqartuussiviit ilinniartitaanerup qanoq ingerlanneqarnissaa aala-jangersassavaa Domstolsstyrelsep, Eqqartuussisut peqatigiiffiata, nunap eqqartuussisuunerata, Eqqartuussisuserisut peqatigiiffiata, Kalaallit Nunaanni politimesterip, Illersuisut peqatigiif-fiata, Ilimmarfiup, Sulinermik Inuussutissarsiuteqartut Kattuffiata (SIK), Atorfillit Kattuffiata (AK), aammalu Namminersorlutik Oqartussat tusarniaavigereernerisigut. Ilinniarnep aaqqis-suussaaneerata allaaserineqarnera ukunanga imaqassaaq:

- 1) Ilinniartitaanerup imarisaa, tak. § 4.
- 2) Ilinniarnep ingerlanissaata aaqqissuun-neqarnera aamma kandidatitut soraarummeerneq, ilaatigut ilinniarnissamik piumasqaammik pinngitsoortitaasut, tak. § 8, imm. 1.
- 3) Ilinniartitaanerup naammassineqarnera, tak. § 5.
- 4) Misilitsittarnerit aamma naggataarutaasumik misilitsinneq, tak. § 6.

Imm. 3. Kalaallit Nunaanni Eqqartuussiviit ilinniarnep aaqqissuussaaneerata nalilersoqqis-sinnaavaa imm. 2-imi pisortat aamma kattuffiit, peqatigiiffiillu taaneqartut tusarniareernerisigut.

Imm. 4. Kredsrettit aalajangissavaat Kalaallit Nunaanni Eqqartuussiviit isumasioereerlugu, suliassat suut ilinniartitaanermi ator-neqassanersut.

Kapitali 2

Eqqartuussisutut ilinniartussanngorneq

§ 3. Kredsdommeritut ilinniartitaaneq piunasaqaatitaqarpoq, ilinniarumasooq, ilinniarnissaminik kissaateqartoq, kredsdommerkandidatitut atorfinitsinneqareersimassasooq atorfimmut inuttalerneqanngitsumut. Kredsdommerkandidatitut atorfiit inuttalerneqanngitsut Kalaallit Nunaanni Eqqartuussisut Isumalioqatigiissitaannit nivingaassinikkut inuttassarsiuunneqartarput, taakkulu aamma kandidatitut atorfinittussanik aalajangiisarput kredsdommerkandidatitut atorfinittussanik.

Imm. 2. Ilaatigut Eqqartuussisut Isumali-oqatigiissitaasa kredsdommerkandidatitut atorfinittussat pingaartillugu piunasaqaateqartarput:

- 1) Qinnuteqartoq tusamaasaanerlussanngitsooq.
- 2) Qinnuteqartoq kommunalbestyrelsimut qinersissinnaatitaassasooq.
- 3) Qinnuteqartoq sumiiffimminik ilisimasaqassasooq.
- 4) Qinnuteqartoq qallunaatut kalaallisullu oqalussinnaallunilu allassinnaassasooq.

Imm. 3. Kredsdommerkandidatitut atorfinitsinneqarneq akissarsiaqartinneqarnerlu kredsdommerkandidatit isumaqatigiissutaat malillugu pisarpoq naalagaaffimmi sulisutut.

Kapitali 3

Ilinniartitaanerup imaa, ilinniartitseriaaseq aamma soraarummeerneq

§ 4. Eqqartuussisutut ilinniartitaaneq ukiunik marlunnik qaammatinillu 3-nik sivisussuseqarpoq semesterinut 4-nut agguarneqarsimallutik. Ilinniartitaanerup aaqqissorneqarnera pingaarutilinnut 5-inut immikortiterneqarsimavoq ukuusunut:

- 1) Eqqartuussisup tunngaviusumik ilinniagassai.
- 2) Pinerluttuliorsimanernut suliassat.
- 3) Eqqartuussisukkoorlugit akiliisitsiniaarnermik suliassat.
- 4) Toqusoqarsimatillugu suliassat.
- 5) Saqitsaannermik suliassat.

Imm. 3. Kandidateq ilaannakortumik ilinniar-nissaminik akuerisaasimaguni, tak. § 8, taava ilinniarnera ukioq ataatsimik sivisussuseqassaaq.

§ 5. Kredsdommeritut ilinniarneq nikerartumik ingerlanneqarpoq, nammineq atuarnermik, suliassanik isumaginninneq, atuaqatigiilluni atuarinneqarnermik, suliakkiutigineqarsimasunik saqqummiineq, pilersaarusanik suliaqarneq kiisalu eqqartuussinerni peqataaneq eqqartuusseqataanerlu, tak. imm. 2.

Imm. 2. Ilinniarnepup ingerlanerani kredsdommerkandidatit ingerlaavartumik utaqqiisaagallartumik kredsdommeriutinneqartarput, taamaasillutik ilinniareersimasaminnut dommeriutinneqartarlutik.

Imm. 3. Ilinniartitaanerup naammassineqarnissaa ilinniarnepup ingerlanissaata aaqqissuussaanerani, tak. § 2, imm. 2.

§ 6. Oqaluttarissanik soraarummeernerit ilinniarnepup qaammatini 9-ini aamma 18-ini ingerlareerneranni ingerlanneqartarput. Soraarummeernerit kalaallisut qallunaatulluunniit ingerlanneqarsinnaavoq. Oqaluttarissanik soraarummeernerit misilitsinnerupput angusisimasariaqarporlu ilinniarnepup ingerlateqqissaagaanni. Soraarummeernerimi angusisimannigikkaanni periarfissaqarpoq ataasiarluni misilitseqqinnissamik.

Imm. 2. Misilitsinnerup imarisaa inaarneralu ”Retten i Grønlands studieordning”-imi sukumiinerusumik allaaserineqarpoq.

Imm. 3. Ilinniartitaaneq inaarsarneqassaaq oqaluttarissanik allattarissanillu soraarummeernikkut. Soraarummeerneq kalaallisut qallunaatulluunniit ingerlanneqarsinnaavoq. Soraarummeerneq ilinniartitaanerup aaqqissuunneqarnerani atuarneqarsinnaavoq, tak. § 2, imm. 2.

Naggataarutaasumik oqaluttarissanik imaluunniit allattarissanik soraarummeermi angusinnigikkaanni,

taava periarfissaqarpoq ataasiarluni soraarummeeqqissinnaanermik.

Imm. 4. Misilitsinnerit censor-inik avataaneersunit nalilernerqartassapput, eqqartuussisoq 'Kalaallit Nunaanni Eqqartuussiviit'-nneersaq aamma eqqartuussisoq alla imaluunniit eqqartuussivimmi inatsisileritooq ilinniartitaanerup ingerlarnganik nalunnginnittoq, eqqartuussisoq 'Kalaallit Nunaanni Eqqartuussiviit'-nneersup toqqagaa. Domstolstyrelsip censori avataaneersaq toqqassavaa.

Imm. 5. Eqqartuussisup 'Kalaallit Nunaanni Eqqartuussiviit'-nneersup qinnuteqarnikkut akuersissutigisinnaavaa kredsdommerkandidateq kingusinnerusukkut soraarummeersinnaasoq, tak. imm. 1 aamma 3, imm. 1-imiit aamma 3-imiit allaaserineqarsimasumiit. Eqqartuussisup 'Kalaallit Nunaanni Eqqartuussiviit'-nneersup qinnuteqarnikkut kredsdommerkandidati ataasiaannarani soraarummeeqqissinnaasoq, tak. Imm. 1 aamma 3.

§ 7. Kalaallit Nunaanni Eqqartuussiviit kredsdommerkandidatit ilinniarsimanerannut uppernarsaataat suliarissavaat, ilinniarneq naammassisimagaat aamma misilitsinnerit angusiffigisimagaat.

Kapitali 4

Immikkut akuerineqarneq aamma naammagittaalliorneq

§ 8. Domstolstyrelsi 'Kalaallit Nunaanni Eqqartuussiviit'-ni eqqartuussisup innersuussineratigut ilivitsumik imaluunniit ilaannakortumik akuerisinnaavaa inatsisilerituutut bacheloritut angusaqarsimasooq imaluunniit assingusumik ilinniarsimanis-samik piumasaaqqaammik, tak. eqqartuussisarnermik inatsimmi § 12, imm. 3.

Imm. 2. Nalilersuinermi, inuk ilivitsumik ilaannakortumilluunniit eqqartuussisutut ilinniarsimanissaanik pinngitsoortinneqassanersoq, nalilersuutigineqassaaq, qanoq annertutigisumik kredsdommerkandidateq eqqartuussisutut atorfik isumagisinnaaneraa, taassuma ataani suliasat, eqqartuussisutut ilinniartitaanerup siunertai.

§ 9. 'Kalaallit Nunaanni Eqqartuussiviit'-nni eqqartuussisup aaliangigai uani nalunaarummiittut Domstolsstyrelsimut anngunneqarsinnaapput, naammagittaalliuut eqqartuussinermut tunngassuteqarpata. Naammagittaalliummik ingerlatitsinissaq sap.ak. 4-inik sivisussusilimmik periarfissiivoq, ullormi tassani naammagittaallioortumut nalunaarutigineqarfianiit.

Imm. 2. Naammagittaalliuut allallugu 'Kalaallit Nunaanni Eqqartuussiviit'-nnut ingerlateqqinneqassaaq, taannalu oqaaseqaaateqassaaq. Naammagittaallioortoq periarfissinneqassaaq 'Kalaallit Nunaanni Eqqartuussiviit'-nni eqqartuussisup oqaaseqaataanut oqaaseqassalluni minnerpaamik sap. ak. periarfissil-lugu. Eqqartuussisoq 'Kalaallit Nunaanni Eqqartuussiviit'-nneersaq naammagittaalliuut styrelsimut oqaaseqaat ilanngullugu nassiutissavaa aamma naammagittaalliuuteqartup oqaaseqaatigisimasinnaasai ilanngullugit.

Kapitali 5

Atuutilerfissaa

§ 10. Nalunaarut atuutilissaaq 15. marts 2019 aamma kredsdommerkandidatinut 15. marts 2019- imi atorfinissimasunut imaluunniit kingusinnerusukkut.

§ 11. Kalaallit Nunaanni kredsdommerit ilinniartitaanerat pillugu nalunaarut nr. 996 16. september 2014-imeersoq atorunnaarsinneqarpoq.

Domstolsstyrelseni, ulloq 7. marts 2019

KRISTIAN HERTZ

/ Laila Lindemark